

欽定戶部則例

第 兩

74

6643

7



74
6643
7



欽定戶部則例卷十一

庫藏一

庫儲款目

司庫封儲

屬庫封儲

內庫撥銀

藩庫出納

庫儲備用

藏庫餘銀

同治十三年校刊
戶部則例卷十一
庫藏
目錄

<99-1204>

春秋額撥

工程分別動項

分成賠補

欽定戶部則例卷十一

庫藏

庫儲款目

一銀庫歲儲各直省額解田賦鹽課關稅雜賦及贓罰銀兩寶泉局制錢

一緞疋庫歲儲額解綢緞絹布皮絲綿線麻

一顏料庫歲儲額解銅鐵鉛錫硃砂黃丹沉香

降香黃茶白蠟黃蠟紙張桐油並花梨紫榆等項

盛京戶部銀庫歲儲金銀幣帛顏料等物

盛京將軍庫吉林將軍庫寧古塔副都統庫伯都

訥副都統庫三姓副都統庫拉林副都統庫

齊齊哈爾城將軍庫黑龍江副都統庫墨爾

根城副都統庫呼蘭城城守尉庫各儲該處

官兵俸餉及雜稅官莊糶賣糧價

一各直省布政司庫歲儲各州縣徵解田賦雜

賦各錢糧

一按察司庫歲儲各州縣贓罰銀錢並驛站夫

馬工料銀兩或由布政司移解或由部自鄰

省協撥各照數儲庫

一糧道庫歲儲漕項銀兩其地丁項下徵解者

由布政司移解儲庫

一河道庫歲儲河餉銀兩或由布政司移解或

由部自鄰省協撥各照數儲庫

一兵備道庫歲儲兵餉銀兩或由布政司移解

或由部自鄰省協撥各照數儲庫

一鹽運司庫鹽法道庫歲儲正雜鹽課

一各關監督庫歲儲關稅其道府廳州縣經營

稅務者稅銀各儲該員本管庫內

一州縣衛所庫歲儲經徵正雜賦銀除應解河

道糧道庫銀款外餘俱按款批解藩庫

一

盛京銀庫揀派值宿官兵晝夜巡邏嚴查出入圍

牆外設堆撥房二處每處房一間撥兵五名

責令輪流巡查以資防守

司庫封儲

一各直省酌留布政司庫銀兩該督撫公同封儲每年造冊附同撥冊送部聽覈如有急需題明動支於撥餉時請部照數撥補違者將該督撫布政使照擅動錢糧例治罪

貴州封儲銀兩

遇有急需准一面動支一面題請撥補

盛京銀庫由京撥給備儲銀壹千萬兩

一直隸布政司庫封儲銀叁萬壹千肆百兩

同治三年校刊

三都則列卷十一

庫藏

四

一山東布政司庫封儲銀貳拾伍萬兩

一山西布政司庫封儲銀叁拾玖萬兩

一河南布政司庫封儲銀叁拾伍萬兩

一江寧布政司庫封儲銀肆拾捌萬兩

一蘇州布政司庫封儲銀肆拾捌萬兩

一安徽布政司庫封儲銀肆拾萬兩

一江西布政司庫封儲銀叁拾柒萬兩

一浙江布政司庫封儲銀叁拾萬陸千兩

一福建布政司庫封儲銀肆拾萬兩

一湖北布政司庫封儲銀肆拾萬兩

一湖南布政司庫封儲銀叁拾貳萬叁千兩

一陝西布政司庫封儲銀叁拾壹萬兩

一甘肅布政司庫封儲銀叁拾捌萬兩

一四川布政司庫封儲銀壹百伍萬兩

一廣東布政司庫封儲銀貳拾萬兩

一廣西布政司庫封儲銀叁拾捌萬肆千兩

一雲南布政司庫封儲銀肆拾捌萬伍千叁百肆拾貳兩有奇

同治十三年校刊

戶部則例卷十一

庫藏

五

一貴州布政司庫封儲銀肆拾伍萬玖千兩
一福建布政司庫每年於閩海關徵收夷稅內
劃出銀一萬兩同畸零尾數一併另款封儲
作為預籌兵餉年終將收存銀數造冊送部
如有急需奏明支用不准擅動

屬庫封儲

一府庫分儲銀兩所屬各州縣遇有急需具文
請領該府於文到日即行給發其有離府寫
遠而所需不能刻緩者准一面墊用本州縣
庫銀一面詳報該府該府亦一面動發還項
一面詳報藩司督撫仍令各州縣將支銷銀
數隨案具詳聽覈虛冒者題叅凡封儲銀兩
一歲動存數目於歲底造冊咨部
凡應封儲
銀兩之各
府州縣俱已按省分列其未
經列入各府俱無分儲銀兩

一直隸省道府等庫共分儲銀壹拾伍萬壹千肆百柒拾叁兩有奇內口北道庫壹拾萬捌千肆百柒拾貳兩有奇 霸昌道庫貳萬兩有奇 永平府庫貳千兩 天津府庫壹千兩 大興縣庫壹萬兩 宛平縣庫壹萬兩 一山西省府庫共分儲銀伍萬兩內大同府庫貳萬兩 蒲州府庫壹萬兩 朔平府庫貳萬兩

一江蘇省府縣庫共分儲銀捌萬兩內鎮江府庫貳萬兩 徐州府庫貳萬兩 崇明縣庫肆萬兩

一江西省府庫共分儲銀叁萬兩內廣信府庫壹萬兩 南安府庫壹萬兩 贛州府庫壹萬兩

一浙江省府庫共分儲銀玖萬肆千兩內嘉興府庫壹萬貳千兩 湖州府庫捌千兩 甯波府庫壹萬貳千兩 紹興府庫捌千兩 台州府庫壹萬貳千兩 嚴州府庫陸千兩

同治三年校刊

五部制刊卷十一 庫藏

衢州府庫壹萬兩 金華府庫捌千兩 温

州府庫壹萬貳千兩 處州府庫陸千兩

一福建省府庫共分儲銀壹拾萬兩內泉州府

庫叁萬兩 漳州府庫叁萬兩 汀州府庫

貳萬兩 臺灣府庫貳萬兩

一福建省鹽法道庫溢額盈餘項下撥出銀拾

叁萬餘兩分儲該道及興化泉州漳州各府

庫

一福建臺灣道庫先後分儲銀兩遇有重大緊

要事件准該道一面酌撥一面自行具奏並

報明督撫藩司存案事竣分別歸補其尋常

事件及墊放俸餉等項概不准擅行動支遇

有交代責令後任盤查結報造冊咨部如遇

本省將軍督撫提督渡臺巡閱均令照督撫

年終盤查司庫之例切實盤查具奏儻有虧

短那移嚴叅著追仍令於每年春秋二撥造

冊送部查覈

一臺灣淡水廳庫分儲銀壹萬兩留備噶瑪蘭

地方緩急之需遇有動用專案報部並令於
新舊交代及每年春秋二撥造冊報部查覈

一湖南省府廳州庫共分儲銀柒萬柒千兩內

衡州府庫伍千兩 永州府庫伍千兩 江

藍廳同知庫貳千兩 永桂廳通判庫壹千兩

寶慶府庫伍千兩 靖州庫捌千兩 常德

府庫貳萬兩 辰州府庫壹萬伍千兩 永

順府庫捌千兩 沅州府庫捌千兩

一湖南辰沅道庫備儲銀貳萬伍百捌拾兩原儲

貳萬兩嘉慶二十五年湖南巡撫奏明加增銀伍百捌拾兩由各官攤捐

養廉備儲遇有要需非覈實奏明不得擅動

毋得於動用之後始行補奏每遇年底及新

舊交代時詳明該撫遴委隔屬道府親往盤

查取具切實印結移送藩司加具保結專案

報部查覈

一湖南辰永沅靖道庫撥儲銀壹萬兩遇屯防

經費不敷之時暫行奏支即於次年歸足原

數不准稍有短絀年清年款造冊送部查覈

一陝西省府州庫共分儲銀伍萬兩內延安府
庫柒千兩 漢中府庫壹萬兩 興安府庫
柒千兩 榆林府庫貳萬兩 綏德鄜州庫
各叁千兩

一甘肅省道府庫共分儲銀貳拾貳萬兩內甘
肅道庫叁萬兩 甘州府庫肆萬兩 涼州
府庫伍萬兩 甯夏府庫叁萬兩 西甯府
庫肆萬兩 平涼府庫叁萬兩
一新疆分儲銀伍萬陸千陸百叁拾伍兩內烏

魯木齊提督庫叁萬兩 巴里坤總兵庫壹
萬陸千陸百叁拾伍兩 哈密協庫壹萬兩
一四川省府廳庫共分儲銀伍萬兩內甯遠府
庫貳萬兩 打箭鑪同知庫貳萬兩 松潘
廳庫壹萬兩

一廣東省府廳州庫共分儲銀壹拾萬兩內南
雄州庫捌千兩 韶州府庫壹萬貳千兩
肇慶府庫壹萬肆千兩 高州府庫捌千兩
惠州府庫壹萬兩 雷州府庫陸千兩

廉州府庫陸千兩 瓊州府庫貳萬兩 嘉
應州庫叁千兩 南澳同知庫貳千兩 潮
州府庫壹萬壹千兩

一廣西省府庫共分儲銀陸萬陸千兩內南甯
府庫壹萬伍千兩 柳州府庫貳萬兩 太
平府庫壹萬兩 慶遠府庫陸千兩 思恩
府庫伍千兩 泗城府庫伍千兩 鎮安府
庫伍千兩

一雲南省府廳州庫共分儲銀壹萬捌千兩內

沅州直隸州庫壹千兩 昭通府庫叁千兩
臨安府庫貳千兩 東川府庫壹千兩
普洱府庫貳千兩 廣南府庫壹千兩 開
化府庫貳千兩 永北直隸同知庫壹千伍
百兩 景東直隸同知庫壹千伍百兩 永
昌府庫壹千伍百兩 順甯府庫壹千伍百
兩
一貴州省道府廳州庫共分儲銀肆萬壹千兩
內興義府庫伍千兩 威甯州庫伍千兩

鎮遠府庫伍千兩 兵備道庫伍千兩 銅

仁府庫參千兩 都勻府庫參千兩 黎平

府庫參千兩 臺拱同知庫貳千兩 清江

通判庫貳千兩 安順府庫伍千兩 八寨

同知庫壹千兩 都江通判庫壹千兩 丹

江通判庫壹千兩

東川同知庫壹千兩

武備道庫壹千兩

內庫撥銀

一廣儲司造辦處等庫應行撥發銀兩即著內

務府蘇拉匠役擡運

圓明園庫撥發銀兩著苑戶擡運概不准雇用民

夫以昭慎重

同治十三年校刊

戶部具例卷之二

庫藏

三

藩庫出納

一 藩庫收發錢糧設立款簿三分鈐蓋司印一分

存內署一分交庫 如應領應解銀兩歲有定

官一分存科房 額者統於歲首一律分款立簿俟領解時核

對登記其無定額款項一經准銷准領准抵

卽行照式註冊

一 藩庫出納款項每年令各州縣造具應支應

解清冊二分一分存藩署遇有收支各款隨

時填註一發州縣年終將已未完支解數目

分款登載鈐印送司磨對如有不符立即究辦

一各州縣起解正雜錢糧先期三日將現解款項銀數起解日期及管解書役姓名核計到省月日通稟該管各上司該藩司卽飭庫大使登記檔冊屆期不到稟明查究

一各州縣解省銀兩酌派兵役並知會前途按站撥兵護送用連環大批二張由督撫衙門掛號發交藩司鈐蓋印信一申督撫存查一

發州縣備案仍於起解時另備隨文小批載明銀數投批後該藩司核與原稟數目相符示期兌收仍出具庫收蓋用司印一併給領一各州縣赴司領銀備具印領二張鈐用騎縫印信一張隨文申送一張交書役攜帶請領該司核對相符按款給發如有以解抵領及該司飭令以領抵解者一面扣抵一面行知該州縣仍立限補具解文備案

一各州縣領解各款將銀兩數目併領銀掣批

各日期及扣抵各款將何時奉文飭知何時
補送解文按季彙造清冊申送藩司該司查
對庫簿款冊相符鈐印發回備案如有不符
立即查究

一各州縣偶遇災歉緩徵所收地丁正耗銀兩
不敷坐支俸廉役食及驛站工料必須借領
者令其備具印文聲明不敷銀款數目申詳
藩司該司核明實無本款方准借給一俟帶
收本款錢糧勒限解還歸款逾限不解嚴參

著賠至橋道要工及一切急需例得報銷之
款詳司確覈原估銀數酌給數成註明庫簿
如有銷不足數立即追繳其例不准銷及非
實在緊要者概不准擅行借動仍令將准借
銀款數目隨時造冊報部查覈

一各州縣書役解銀到省之日一面赴藩司衙
門投批一面稟明庫官暫收外庫

毋許寄
存銀號間

有未經傾鎔及成色不足者次日即傳銀匠
眼同解銀書役領出領鎔並取具銀匠收管

限於至收銀日該司親身督同管庫官吏兌足儲庫如有短平卽飭解書隨時補足不准掛欠

一各州縣經徵各項正雜錢糧已未完數日按月造冊申報上司查覈仍飭該管道府廳州不時抽查徵有成數卽行起解如有以完作欠以多報少及遲延不解者查明叅處

一直省藩司衙門每月開庫日期將收過每州縣何款銀兩若干收入何款項下並支放銀兩係在某款存銀若干內動支逐一開造細冊次日詳報督撫稽核如有朦混立即查究督撫內有兼管鹽務者鹽道庫收放鹽課銀兩亦一律辦理

庫儲備用

一熱河都統庫儲銀貳千伍百兩每年於赴部請領俸餉時

將用過銀兩補領足額以備迎送

聖駕官兵路費及新陞官員拔補兵丁應添俸餉暨

支給孀婦半俸半餉等項之用按季報部查

覈統俟年終造冊請銷

一密雲副都統庫儲銀叁千兩按春秋兩季赴部支領如有支

存即於下次領銀數內扣除以備新陞官員挑補兵丁應

添俸餉及支給孀婦半俸半餉等項之用年

終報部覈銷

一烏魯木齊道庫備用銀拾伍萬餘兩內提撥銀拾萬兩分儲伊犁永遠存庫不准濫行動用該管官隨時稽察

藏庫餘銀

一西藏所屬察木多拉里前藏三處糧庫銀兩除一年支放外多餘銀兩俱解交前藏備儲庫中收存交夷情司員管理庫鑰令駐藏大臣按年輪流執掌如有應用該糧員呈報駐藏大臣覈明放給

春秋額撥

一各直省司道庫儲錢糧該督撫每年於春秋
 二季將實在存庫銀兩造具春秋撥冊報部
 戶部覈明數目除存留本省支用及協餉之
 外餘悉解部充餉

一每歲冬季各直省督撫各將次年一歲應需
 俸餉預估冊報聽部按數撥給凡撥協餉銀
 先儘鄰近省分再及次近省分

陝西甘肅二
省以山西河

南為鄰近直隸山東為次近四川雲南貴
州三省以江西湖廣為鄰近浙江為次近其

別有急需應協濟者仍於鄰近省分通融撥
協儻藩庫銀兩不敷或動鹽課或請

內帑由部隨時具奏

一凡各直省完解地丁正雜等項銀兩應人下
季撥冊者戶部俱照數登記仍行文各該督
撫等造入季冊報部酌撥至耗羨一項並令
各該司另設一冊將完解銀數登記以備奏
銷時覈對

一凡追儲什物每逢造撥時同庫儲錢糧一併
入冊造報依限交價

一川省新疆屯防官兵歲需經費銀兩在於司
庫銀內先行墊放俟年終題撥來年兵餉案
內一併請撥歸款

工程分別動項

一 直省修理各工所需工料銀兩均于本款內
 動支如實有不敷准其動支耗羨概不准擅
 動地丁正項其所動雜項銀兩無論何款數
 在伍百兩以上者即專案奏明辦理不得題
 咨請修

分成賠補

一州縣虧缺銀米無論侵挪查明實係家產盡
 絕不能完繳者將未完銀數作為十成照例
 著落不行揭報之知府分賠五成其歸入無
 著項下之五成令失察之道員分賠二成藩
 司分賠二成巡撫分賠一成均照代賠例限
 按銀數多寡分年完繳若有兩案著賠俟前
 案銀兩依限交清之後再行接續完繳

一直隸州虧空倉庫限滿無完作為十成該管

道員照知府例分賠五成藩司分賠二成巡撫分賠一成其餘二成歸入無著項下完結一州縣欠解捐款賠款銀兩無關叅罰及展叅處分者限滿無完該管上司免其分賠

欽定戶部則例卷十二

庫藏二

驗收

驗放

平色

解餉

護餉

批迴

領抵

砵碼

欽定戶部則例卷十二

庫藏二

驗收

- 一 凡餉鞘到部不論遲早庫大使照數點明督令原解官役投批將鞘運入銀庫大門堆儲至夜責成在庫人役加謹巡邏其搬運銀鞘令原送人夫經手不准濫雇應役若門役包攬需索當月司員及大使廳官嚴拏究治
- 一 銀庫經收一切銀兩由承辦各司分別出具

印劄印付劄付內監收官籤押投庫

各省批解各項

已有印批投庫由司出具印付在京各衙門移交暨赴部呈交之項並無印批由司出具印劄俟銀庫知照驗收日期親身赴庫管理三

庫大臣督同庫官及交銀員役三面眼同劈

鞘拆封兌收並詢明該解員銀庫吏役實無

勒索解費出具畫押甘結粘連批後鈐印齎

回其銀庫批回由管理三庫大臣於收銀之

日面給該解員如銀庫不先期知照驗收日

期竟自兌收或監收官與交銀員役並不親

身到庫任聽書役領催人等包攬代交均分

別叅處其代交之人拏送刑部究辦

一銀庫經收地丁項下銀兩以元寶驗收其關

稅鹽課漕項等銀及一切雜項銀兩悉以散

碎驗收若外省解交違式庫官不得濫行收

兌

一銀庫驗收各省解到銀兩於餉鞘投批後承

辦司分印付到庫定限五日內劈兌儻有遲

逾管理三庫大臣叅奏如遇放俸放餉不能

監收餉鞘日期准其扣展至彈收銀兩如有短平不能即時補交者量其道路遠近定予限期令該省卽速補交完項並按解員人數多寡酌留一二員候給批回其餘概令回省

道光元年奏准

餉鞘到庫及劈鞘兌收起止日期並平兌收發現行緊要不能兼收餉鞘日期俱逐日登記按月造冊一本由三庫檔房移送戶部承辦司分轉送江南道查覈

一銀庫驗收散碎銀兩責成管解員役自行拆封拆封後庫員解員將拆封人役眼同搜檢儻有偷竊立行拏究

一緞疋庫驗收各織造解到緞疋其分兩輕重須合總秤驗若合秤而分兩不足方准駁換不准逐件秤計

一顏料緞疋庫驗收各省解到物料限二十日覈收給批如不可收呈堂方准駁回若無故遲延逾限將該管官議處

盛京將軍兼管銀庫一切收放盤查俱會同

盛京戶部侍郎辦理

盛京銀庫每年委員赴部請領三省俸餉銀壹百

貳叁拾萬兩令協領同副關防攜帶該處平

砮同在京戶部專派司員一人眼同彈兌足

數裝釘入箱該協領及副關防協同管解毋

許自行開箱運到時

盛京將軍會同戶部侍郎督率該庫關防等同領

餉各員拆箱秉公平兌入庫儻有侵用虧短

情弊卽行據實叅奏其每年請領俸餉并緞

布花紅等物所需車腳均由部庫發給作正

開銷

一各省餉鞘到京所有進城及入店出店日期

俱令該解官結報巡捕營由營轉稟步軍統

領衙門該衙門據稟卽日知照戶部及三庫

總檔房戶部接到知照後如解官投文遲延

卽由該司回堂參處步軍統領衙門每屆月底彙奏一次

一各項銀款入庫每袋鈐用年月庫官戳記以便交代時按款查對其旋收旋放者亦憑銀袋戳記庶免混淆每屆三年

欽派大臣盤查時亦易於稽覈

一銀庫兌收各項銀兩責成庫官帶領匠役等先將銀兩在庫門外逐袋驗看按照批文割盤付對明數目方准進庫彈兌儻不足平色令

其卽時補足再行給發批迴至兌收捐項每月向有卯期交捐人等預日掛號次日挨次兌收以免擁擠牽混

一庫內收兌各項銀兩按款盛桶封存不准散裝作槩存至壹千萬兩奏明撥存內庫需用時再行奏請撥出以期易於勾稽

一庫官接任及交代之員按照庫存印冊逐款彈兌後出具盤交無虧甘結呈堂存案

一銀庫一切收項俱用比子彈兌務令平均

一各省餉鞘到部該解員役自行搭蓋席棚看守不准濫雇夫役

一委員投具文批領有津貼投文掛號一切規費奏准革除收庫彌補庫款解餉員役未必周知出示曉諭

一銀庫收官生捐項及各省京餉暫由銀號交庫者均收足色銀兩錠面鑿明年月並某號字樣該庫司員督飭驗匠以樣銀比兌當堂抽剪查驗無弊方准交收如有短平亦須驗

明銀色後方准補交儻驗出低潮假銀並各衙門領銀時當堂驗出者均按所鑿鋪號按照本錠數目加十倍罰賠其各衙門領銀時當堂驗出者并將驗匠革退交刑部嚴訊有無串通情弊分別懲辦或驗匠驗銀故意挑駿卽行斥革至各衙門一切零星交項一律驗明兌收毋許攙雜

一各省解員赴庫交銀部庫書吏勒索添平及官生報捐銀號多索加平或銀庫吏役串通

浮收均准解官與上兌官生據實首告嚴行
究辦如銀號與庫吏匠役人等私相往來查
出嚴懲至奸猾棍徒包攬捐項解項勾串書
役庫丁從中分肥應令步軍統領衙門順天
府五城嚴拏治罪

一銀庫收發銀兩之期管庫兵役人等嚴守庫
外大門並垂花門等處如有已革丁役及咨
回庫兵驗匠人等出入窺探即拏稟庫官回
堂究辦其值班兵役擅放出入一併懲辦再

現充庫兵驗匠與咨回庫兵驗匠往來交結
公事卽無通同舞弊重情亦卽拏交刑部治
罪

道光二十三年閏七月二十二日奉

上諭給事中扎克丹等奏現在拏獲偽造假銀之劉二
供稱曾在傾銷爐房夥做假銀並聞已革庫丁等有
密雇匠人偽造銀兩等語上庫銀兩向由傾銷爐房
傾鎔成錠蓋用該銀號戳記原以防詐偽之弊乃該
爐房竟敢勾串匪徒通同夥做假銀並有已革庫丁

雇令匠人偽造之事實屬不法已極現當清釐庫款之時必應嚴密稽查庶不爲其朦混著管庫大臣飭令司員於銀兩上庫時率同能辨銀色之匠役認真查察如遇有假銀卽從嚴根究來路不得僅令其更換了事稍存寬縱並著步軍統領衙門順天府五城一體嚴密訪拏以淨根株欽此

一各省解交緞疋顏料二庫各項物料抵通後令該州並該營員弁一體飭催該委員赴崇文門查驗限三日內將物料運至該庫該庫

於司付到庫限五日內驗收如有應放各工緊要物件准照銀庫一體扣展

一各省解到銀兩顏料緞疋等項該解官將文批徑赴戶部司務廳當堂投遞該廳卽日簽到一面令承發科掛號填註時刻發交承辦司分付庫兌收儻該廳吏等需索指延一經查出或被解官首告卽將該吏等送交刑部從重治罪該廳員徇庇積壓發司遲誤一併參處其承辦司分胥吏有串通需索等弊一

律究懲

驗放

同治四年奉

上諭管理戶部三庫事務周祖培等奏八旗承領兵
 餉等款請申明舊例嚴定章程一摺前據鑲黃旗
 滿洲以該旗承領米折銀兩內有低潮虧短奏請
 查辦茲據奏稱該旗解回低潮元寶四錠令匠人
 等當堂燒鍊委係高銀仍如原數當經該旗章京
 領回內二錠旁翅係該旗自行鎔化致虧銀十五
 兩三錢卽按奏定章程辦理至該旗所稱實虧銀

同治十三年校刊

戶部則例卷十一 庫藏

九

一百一兩零查各項銀兩承領時均係督率司員
眼同該章京逐平彈兌各旗法馬亦與部庫覈對
相符不致虧短請飭該旗自行查辦等語著卽照
所議辦理此次該旗自行鎔化虧欠銀兩業經照
章補足若不嚴定章程各該旗難保無藉口庫虧
暗圖侵蝕情事嗣後各該旗都統副都統每遇本
固山應領餉銀等款日期酌定一員親身赴庫並
帶同章京暨認識銀色人役會同管庫大臣等監
放監領如該旗都統副都統是日不到卽將兵餉

暫行停放俟各旗放竣再由銀庫定期補放其承
領時如有短少照例由庫補足出具並無短少低
潮甘結承領仍由該庫逐袋散給印花由承領官
自行封口運回未領以前責成在庫旣領之後責
成在旗不准互相推諉至各旗營領銀後如經看
有成色應卽呈堂辦理不得自行鎔化以杜流弊
經此次嚴定章程之後各該旗如有藉口庫虧暗
中侵蝕等弊卽由該管大臣將承領章京並承辦
人等嚴究參辦至各旗分起領餉日期並是日應

領款目卽著照所請行此旨著纂入則例永遠遵
行等因欽此

一凡各衙門及八旗彙總承領俸餉等項銀兩
文領內均註明承領官銜名由戶部承辦司
分據咨具稿辦劄呈堂僉畫並設立支發總
檔令承領官親身赴部畫押監放官驗明印
領列銜畫押隨帶承領官赴庫眼同支領其

雜項

恩賞及例給盤費等款該大臣官員實有不能親身
赴領者由戶部承辦司分派員赴庫支領付
給俱不得任聽部吏領催代領滋弊儻有混
冒責在監放官若吏役等故違禁令嚴拏究
治仍令各衙門將一應支發銀兩分年按月
造冊查覈報銷

一銀庫撥解賑濟軍需支放在京王大臣外藩
蒙古俸項銀兩專以元寶驗放支發八旗兵
餉月選官請借養廉各處工程並一切零星
款項專以散碎銀兩驗放若零星支款爲數

較多准以元寶散碎通融搭放

一銀庫准到放銀堂劄與印領覈對相符方准

給發若一劄數領或數拾領如八旗月支錢

糧一時平兌不及者該承辦司分一面出劄

一面將原領冊檔付庫磨對由庫預平臨期

驗領挨發其八旗俸餉處劄發八旗俸餉陝

西司劄發外藩蒙古俸銀及各衙門人役米

折銀俱按劄發款項數目挨次造送平單由

庫預平驗放八旗俸餉平單於劄發前三日

送庫其餘平單均於劄發前一日送庫預平

一銀庫每年開放八旗米折銀正四七十等月

初十日鑲黃旗二五八十一等月初十日正

十一日正黃旗初十日鑲白二

旗十一日初十日鑲紅正

正紅旗三六九十二等月初十日鑲藍二

鑲藍旗初十日鑲黃正

每遇閏月初十日鑲白二

八旗餉銀庫銀二成錢折銀初一日鑲黃正

鑲白正藍二旗初三日正黃正初一日鑲黃正

紅二旗初四日鑲紅鑲藍二旗初一日鑲黃正

開放八旗月
餉三月至八月卯刻開庫九月至二月辰刻
開庫

一工部修造工程數在壹千兩以上者奏請

欽派大臣承修派出之日工部及辦工大臣各備文

知照戶部該工程處出具本衙門印領兌換

工部印領其文領內均註明承修官銜名親

身赴戶部承辦司分在於支發總檔內畫押

會同監放官執持文領赴庫關支戶部及銀

庫並工程處均於領銀後三日內將給發日

期銀兩數目知照工部工部仍覈明移覆戶

部

一顏料緞疋二庫經放物料各衙門支領印文

由戶部承發科呈堂僉到後發庫查覈辦理

盛京銀庫每逢開庫收放銀兩將輪班上庫樓軍

逐一查點姓名其餘不准到庫入庫出庫時

穿換衣服責令協領正副關防等按名嚴行

搜檢如有夾帶即將該樓軍等從重治罪儻

該庫官等虛應故事不行實力稽查以致滋

弊將軍侍郎等即將該庫官嚴行叅處

盛京銀庫二八月開支俸餉令該庫官先將應放數目報明將軍戶部侍郎其應放銀兩先期平妥分別旗部定擬日期出示曉諭至期挨次領銀毋許入庫攙雜擁擠尋常開庫亦將入數點明挨次給放至放俸後該庫官出具四註清冊聯名印結報明將軍戶部各衙門查覈每年於放完俸餉之後將該庫一年原存銀若干放出銀若干實在應存銀若干該

將軍侍郎等會同親身到庫澈底盤查報部查覈

盛京銀庫每年支放俸餉及各處

陵寢工程并雜項需用共銀壹百壹貳拾萬兩不等每千兩扣存平餘銀貳兩陸錢共應扣存平餘銀叁千餘兩所有應用經費及庫內各員養廉等項共銀捌百伍拾貳兩並交京戶部飯食銀壹百貳拾兩俱在平餘銀內按年開銷

餘贖平餘銀兩該將軍每年具奏歸入正項
搭放俸餉

銀庫正關防等每年酌給銀數詳見稟祿明

一銀庫開放入旗餉銀等項各該旗都統副都
統每遇領銀日期酌定一員親身赴庫帶同
掌關防參領及佐領章京驍騎校等官暨認
識銀色人役攜帶印花會同戶部管庫大臣
監放司員

向派郎中二員監視放領如該旗都統副

都統臨期並無一員到庫卽將此旗兵餉暫
行停放再由銀庫訂期補放其領銀時銀庫
司員親赴印庫取出部頒平法分置銀庫南
北門內各按旗分佐領將應領銀兩當堂兌
平驗明給領該旗再行出具並無短少低潮
假銀甘結存案庫官按袋散給印花由各旗
承領官自行封口運回各旗領回後儻看有
成色回堂辦理不得自行鎔化其餉銀等項
在庫短少管庫大臣及監放官眼同較兌責
令補足將庫官照例叅處如領回後藉口庫
虧暗中侵蝕以致短少者卽由該管大臣將

承領旗員并承辦人等嚴究叅辦若旗員領銀後攜入銀鋪及飯館酒肆卽由步軍統領衙門拏究所有平法用畢黏貼印花同監放官送存印庫以憑下月驗明取用

道光十五年工部鑄造一千兩大平一架四百兩小平二架

一銀庫凡遇開庫收放銀兩之期務令兵役嚴守庫外大門所有解官捐生及各衙門承領員弁暨該管官員隨從人等均由庫官按名點入如有濫行出入者卽時拘責其擅放閒

人之兵役亦一併究治

一銀庫每遇平做放項銀兩須按照戶部送到平單覈准數目應需銀若干兩計需若干袋令匠役由桶內抗銀一袋庫官付給籌一根俟抗完時仍將此桶封儲再行平做至發放時與戶部送到劄付印領覈對後方准放給

一銀庫開放入旗內務府三旗及五旗包衣兵餉隨甲養育兵孤寡錢糧庫銀趕領餉銀及前鋒護軍火器等營應領兵餉隨甲錢糧各

按旗分改爲總數支領開放之日一律逐袋覆較驗明印領後取具該旗營所領銀兩並無短少低潮假銀甘結存案

一銀庫開放五營錢糧會同一切零星放項俱在庫抽查過平驗明給領取結存案

一銀庫開放八旗滿洲蒙古漢軍五旗包衣內務府三旗外三營官員俸銀各按旗營總數於二八月初一日儘一日開放後取具各旗營所領銀兩並無短少低潮假銀甘結存案

戶部都察院及各部院衙門漢堂司各官俸銀亦按各總數開放

一戶部支領一切銀錢數目司印平單內均須大寫平單後註明幾匳共應領銀錢若干銀庫收到平單覈對相符編號預期平做開放日將平單呈視開放

一銀庫放銀之期派司員一員在庫內按平單令庫兵盤運一員在庫門內監視過平計數一員在庫門外覈對匳後黏單數目相符發

放並派筆帖式庫使二員在庫樓門外彈壓
承領各員役依次進庫領取毋許攙越
一各旗營及各衙門領銀時只准帶二三人隨
同進庫不准多帶跟入銀庫照平單挨次發
放

平色

一銀庫兌收關稅鹽課銀兩每兩加庫平銀壹
分伍釐兌收漕項銀兩每兩加庫平銀伍釐
均於正項銀鞘之外另裝加平銀鞘並於解
批上註明加平若干隨解交納仍將加平銀
數報入盈餘項下兌收一切捐款銀兩每兩
加庫平銀肆分其地丁元寶照收照發不計
盈餘

一銀庫兌收外省解到關稅鹽課漕項錢糧如

每千兩加平之外偶有短少在拾兩以內者
准解員卽時補足免其查叅若每千兩加平
以外短少數多將解員查叅議處所短銀兩
飭行該省補解仍令將因何短少之處明白
覆奏若本無短少而庫員故爲輕重任意勒
索者查實嚴叅

一銀庫兌收外解錢糧或有成色青潮甚至底
面迥異有意朦混者將該省督撫查叅仍令
將承辦官員如何朦混之處據實叅究所解

銀兩著落原解官自行看守由該省改委妥
員赴庫領出另領如數交納

一銀庫經收雜項市平銀兩俱按庫平折實兌

收市平每千兩較庫平短銀叁拾陸兩該承辦司分將所交市

平銀若干折實庫平銀若干數明分晰付庫
查收

一銀庫經放買賣人辦買物料銀直隸歲修河
工銀顏料緞疋二庫折價銀暨凡應以市平
扣發等銀兩每庫平千兩扣平銀叁拾陸兩

作市平支放該承辦司分於劄內聲明扣除以折實應領庫平銀數劄發

一銀庫經放兵部鹽菜銀刑部醫藥銀光祿寺備用銀買辦草豆銀買賣人辦買物料銀各役米折月銀詳見廩祿門各寺廟喇嘛口食等銀每千兩搭配成色銀叁拾兩該承辦司分於

劄內聲明劄發

直省布政使司經放一切銀兩務須足平足色元寶小錠准其通融搭放若扣易平色將

該官吏叅究

一 直省撥協餉銀若或成色青湖責成受協省分據實題叅著落原解省分之督撫藩司分賠

一 直省減半平餘銀兩

雍正元年議定於各省解京餉銀內每千兩收

平餘銀貳拾伍兩彌補部庫虧空八年補足奉旨減去一半乾隆三年奉

旨停解 停其解部存儲本省司庫遇有地方荒歉及有裨民生要務確應賑卹辦理者奏明

動用報部查覈

一直省採辦物料價值按市平色折實庫平紋銀給發其作何折給及原編協貼各數目於報銷案內逐一分晰登註以憑查覈

一直省遇有應辦各項工程動用錢糧應扣平色如例有定數者仍照舊覈扣外其餘未經定有章程每庫平百兩均扣銀貳兩作為市平給發除隨案聲明外仍於年終報部查覈

一直隸省恭遇

巡幸修墊橋道及各屬修理倉廩監獄墩臺營房兵

房船隻等項工程需用銀兩按庫平照數給發

解餉

一直省批解錢糧數在拾萬兩以上者委同知
 通判管解數在伍萬兩以上者委州同州判
 管解數在伍萬兩以下者委縣佐貳雜職等
 官管解如同知通判州同州判不敷差遣准
 委知州知縣等官管解

一凡起解京協餉銀該布政司親同解員兌封
 封面聽解員押字令庫官鈐印當堂裝鞘填
 給兵牌掛號起解

一 直省解部地丁將足色紋銀照部頒砝碼傾
鎔元寶每箇按伍拾兩實足彈兌不許絲毫
輕短亦不許另加滴珠儻解到元寶有輕小
者卽將該督撫及承辦官奏議處

一 各直省解司銀兩無論元寶及拾兩小錠均
令於錠面上鑿鑿年月州縣及銀匠姓名以
憑稽覈

一 凡起解錢糧顏料物件其解員按批更換不
准長年遞委違者將委解之上司官議處

一 凡辦解顏料將所解包篋錠件數目及舫兩
各重若干共重若干於批內註明鈐印並於
咨報起程文內先行報明
咨報起程條例詳見本卷撥解定限條

一 各省解餉委員中途遇有事故報明所在省
分地方官詳請督撫一面咨部
係協餉並咨受協省分

一 一面遴委委員代解知照前途該代解委員
會同地方官當堂劈鞘兌驗銀數相符改貼
印花入鞘裝釘卽日起程徑行赴部及受協

省分交納原解委員餘存水腳等項銀兩代
解委員儘數動用儻有不敷由所在省分墊
給行文原省歸還清款咨部覈銷代解委員
所掣批迴齎繳本省督撫封發原省銷案

盛京請領俸餉委員如在京有患病稽延事故卽
由戶部另派司員解往以免遲誤

一各省起解糧餉關稅等項內除向有勘合兵
牌着解員按站粘貼印花並零星雜款銀兩

隨正附解者仍照舊辦理外其餘起解一切

官物銀兩向無兵牌勘合者詳掛批迴之時

另給護牌一紙同批一併給發委員領執預

行咨明沿途經過各關及各州縣俟解官到

日逐一驗明於所給護牌上填明到境出境

日期各蓋印信仍給委員收執回日繳本省

巡撫衙門查銷以備稽考

一直隸省起解京餉協餉俱由陸程自省至京計五站自

省至陝西省計三十九站自陝西省西安府
至甘肅省蘭州府計二十三站自蘭州府至

肅州計二
十四站
所解餉銀數在伍萬兩以下者每

萬兩每站給水腳銀伍錢數在拾萬兩以下

者每萬兩每站給水腳銀肆錢數在拾萬兩

以上者每萬兩每站給水腳銀叁錢凡解餉

時值冬春不論所解多少各按每萬兩每站

增給水腳銀伍分每解餉銀千兩給傾鎔鞞

箍銀陸錢

一山東省起解京餉協餉俱由陸程自省至京計一十五

站至陝西省西安府計三十站至甘肅省蘭州府計五十二站至甘肅省肅州計八十六

站凡解京餉不論春夏秋冬每萬兩每站給

水腳銀肆錢凡解協餉係解赴西安府者不

論春夏秋冬每萬兩每站給水腳銀叁錢別

分係解赴蘭州府者不論春夏秋冬每萬兩

每站給水腳銀叁錢伍分係解赴肅州者夏

秋每萬兩每站給水腳銀叁錢春冬每萬兩

每站給水腳銀叁錢伍分每解餉銀千兩給

鞞箍銀壹錢叁分不另給傾鎔之費

一山西省起解京餉協餉俱由陸程自省至京計一十九

站至陝西省西安府計二十二站至甘肅省
蘭州府計四十四站至甘肅省寧夏府計四
十四站至甘肅省西寧府計五十七站至甘
肅省涼州府計五十八站至甘肅省甘州府
計六十八站至甘肅省所解餉銀數在伍萬兩
以下者每萬兩每站給水腳銀伍錢數在伍
萬兩以上者每萬兩每站給水腳銀肆錢數
在拾萬兩以上者每萬兩每站給水腳銀叁
錢凡解餉時值冬春不論所解多少各按每
萬兩每站增給水腳銀伍分每解餉銀千兩
用舊鞘給釘箍銀壹錢不另給傾鎔之費

一 河南省起解京餉協餉俱由陸程

自省至京計二十三

站至陝西省西安府計一十九站至甘肅省
蘭州府計三十九站至甘肅省肅州計七十
四站每萬兩每站給水腳銀叁錢時值春冬每
萬兩每站增給水腳銀伍分每解餉銀千兩
給鞘箍銀叁錢不另給傾鎔之費

一 江蘇省起解京餉協餉不論水陸程站

自蘇州由

陸路至長鄉縣計四十一站自蘇州由水路
至通州計三十九站自蘇州至山東省計三
十站至山西省計四十三站至河南省計二
十四站至江西省計一十七站至福建省計
二十六站至浙江省計五站至湖北省計一
十八站至湖南省計二十五站至陝西省潼

關縣界計三十九站至甘肅省蘭州府計六
 十五站至廣東省計三十七站至廣西省計
 四十四站至四川省計四十七站至貴州省
 計五十四站至雲南省計七十四站 勾下
 自江寧至京計三十三站至山東省計二十
 四站至山西省計三十九站 河南省計二
 十站至江西省計一十二站至福建省計三
 十四站至浙江省計九站至湖北省計二十
 一站至湖南省計三十五站至陝西省計四
 十站至甘肅省計九十五站至廣東省計三
 十二站至廣西省計四十八站至四川省計
 七十八站至貴州省計五十九站至雲南省
 計八十 所解餉銀數在伍萬兩以下者每萬
 三站

兩每站給水腳銀伍錢數在拾萬兩以下者
 每萬兩每站給水腳銀肆錢數在拾萬兩以

上者每萬兩每站給水腳銀叁錢凡解餉時
 值春冬不論所解多少按每萬兩每站增給

水腳銀伍分每解餉銀千兩給傾鎔鞘箍銀

陸錢如不需傾鎔祇給鞘箍銀叁錢

一安徽省起解京餉協餉不論水陸程站 自京

計四十五站至直隸省計四十一站至山東
 省計三十站至山西省計四十五站至河南
 省計二十六站至江蘇江甯府計一十五站
 至江蘇蘇州府計二十站至江西省計一十
 二站至福建省計五十七站至浙江省計二十
 五站至湖北省計一十七站至湖南省計二
 十一站至陝西省計四十五站至甘肅省肅
 州計九十九站至廣東省計三十二站至廣

西省計四十四站至四川省計八十六站至
貴州省計五十四站至雲南省計七十四站
所解餉銀數在伍萬兩以下者每萬兩每站
給水腳銀伍錢數在拾萬兩以下者每萬兩
每站給水腳銀肆錢數在拾萬兩以上至貳
拾萬兩者每萬兩每站給水腳銀叁錢凡解
餉時值春冬不論所解多少按每萬兩每站
增給水腳銀伍分每解餉銀千兩給傾鎔鞘
箍銀陸錢如不需傾鎔祇給鞘箍銀叁錢
本省江甯餉銀祇給
鞘箍銀兩不給水腳

一江西省起解京餉協餉不論水陸程站自京

計五十四站至福建省計一十四站至廣東
省計二十站至四川省計七十三站至貴州
省計五十三站至雲南省計七十七站
所解餉銀不論春夏秋

冬數在拾萬兩以下者每萬兩每站給水腳
銀伍錢伍分數在拾萬兩以上者每萬兩每
站給水腳銀肆錢伍分每解餉銀千兩給傾
鎔鞘箍銀陸錢如不需傾鎔祇給鞘箍銀叁
錢

一浙江省起解京餉協餉不論水陸程站自京

計四十七站至福建省計二十三站至四所
川省計九十站至貴州省計六十六站

解餉銀數在伍萬兩以下者每萬兩每站給

水腳銀伍錢數在拾萬兩以下者每萬兩每

站給水腳銀肆錢數在拾萬兩以上至貳拾

萬兩者每萬兩每站給水腳銀叁錢凡解餉

時值春冬不論所解多少各按每萬兩每站

增給水腳銀五分每解餉銀千兩給傾鎔鞘

籜銀陸錢如不需傾鎔祇給鞘籜銀叁錢

一福建省起解京餉俱由陸程自省至京計七十一站每

萬兩每站給水腳銀肆錢時值春冬每萬兩

每站增給水腳銀伍分每解餉銀千兩給傾

鎔鞘籜銀陸錢

一湖北省起解京餉協餉俱由陸程自省至京計四十五

站至湖南省計一十五站至陝西省計四十

一站至甘肅省計六十二站至廣西省計二

十八站至四川省計三十站至貴州省

計三十七站至雲南省計五十五站 所解

餉銀數在肆萬兩以下者每萬兩每站給水

腳銀肆錢數在肆萬兩以上者每萬兩每站

給水腳銀叁錢凡解餉時值冬春不論所解

多少各按每萬兩每站增給水腳銀伍分每
 解餉數及千兩亦按萬兩之數酌給水腳所
 解不及千數不准支給每解餉銀千兩給傾
 鎔鞘籜銀陸錢如不需傾鎔祇給鞘籜銀叁
 錢

一湖南省起解京餉協餉俱由陸程自省至京計六十站

至四川省計三十八站至貴州省計三十一站至雲南省計五十三站所解餉

銀按每萬兩每站給水腳銀叁錢時值冬春
 按每萬兩每站增給水腳銀伍分每解餉銀

千兩給鞘籜銀貳錢叁分不另給傾鎔之費

一陝西省起解京餉協餉俱由陸程自省至京計三十七

站至甘肅省城計二十一站所解餉銀按每

至甘肅省肅州計五十五站數在萬兩以下亦

萬兩每站給水腳銀叁錢按壹萬兩之數支

給水腳時值冬春按每萬兩每站增給水腳銀

伍分數在萬兩以下亦按壹每解餉銀千兩

給傾鎔鞘籜銀陸錢如不需傾鎔祇給鞘籜

銀叁錢

一廣東省起解京餉協餉分由水陸程自省至京計五

十六站零五里至福建省計二十一站零三
十六里至廣西省計一十四站零七十里至
貴州省計四十六站至雲南所解餉銀按每
省計五十六站零六十五里

萬兩每站給水腳銀叁錢經由英德縣至始
興縣水程按每萬兩每站增給水腳銀伍分
凡解餉時值冬春按每萬兩每站增給水腳
銀伍分每解餉銀千兩給傾鎔鞘籜銀陸錢
如不需傾鎔祇給鞘籜銀叁錢

一廣西省起解京餉協餉俱由陸程自省至京
計七十二
站至廣東省計一十四站零七
十里至雲南省計六十二站每解餉銀萬

兩給水腳銀叁錢時值冬春每萬兩每站增
給水腳銀伍分每解餉千兩給傾鎔鞘籜銀
陸錢如不需傾鎔祇給鞘籜銀叁錢

一貴州省如有應解部庫錢糧每至二三年積
有貳叁萬兩專員起解一次沿途備夫遞送
解員往返盤費官給銀壹百陸拾兩准帶跟
役二名

一各省督撫鹽政及各關監督解交部庫餉銀
未經起解之先將批差員役某人於某日起

程限某日到部預行備文知會庫大使接到此文於次日呈堂愈到後將原文移付銀庫登記查覈

一 粵海關解交內務府等處款項兵牌勘合由該督臬司填給

一 盛京委員請領東三省俸餉等銀由該將軍等覈計吉林黑龍江應領銀數即在該二省派出領員內酌撥數員支給行糧隨同奉天委員

赴部請領公同防護其餘未經酌撥之員仍在奉天守候俟銀兩解到會同解回

一 各省解部顏料物件派委正解丞倅副解佐貳各一員運京交納

一 順天府屬州縣每年詳解旗租銀兩令解銀書役齎詳先赴府尹衙門請咨

該管額租若干除現解數

外有無尾存民欠歷年災緩幾成 府尹派員

督解赴部庫交納並出具咨文二件一件並原詳咨送戶部一件知照三庫衙門所解各

戶部則例卷三
三
項旗租款目咨內分晰聲明毋庸另用黏單
並不得添註塗改挖補以防弊竇其報解銀
數若干數目均用大寫及起程日期由各州縣先期
報部查覈

一太平粵海等關季飯考覈等銀令該關委員
一併附解所解銀兩及一切文批自行當堂
投遞並親身赴庫交納儻有包攬勒索情事
一經查出或別經發覺卽行照例分別嚴懲

同治六年
年奏准

護餉

一凡餉鞘到境該地方官查明掛號照鞘應付
車輛馱騾如係山僻小徑接一鞘兩夫應付
倘或短少遲延將該地方官查叅若解官私
議折收夫價地方官隨同折給雖餉鞘未至
疎虞仍一併題叅嚴加議處
一餉鞘本省起程之時先將應用夫馬車輛知
會前途該前途地方官預爲齊備文武衙門
各行派定防護官弁一俟餉鞘到境立刻應

同治三年校刊

戶部則例卷三 庫藏

三

付接遞所解餉銀數係壹萬兩者撥防護兵
二名撥防護役四名數至貳萬兩以上酌量
加派所派兵役該防護官弁開單交給解員
按名查點沿途一體約束倘有代替潛回情
弊將兵役責革在事各官按餉鞘有無疎虞
分別議處

一餉鞘自本地起程之時於鞘面自一至百編
定號數經過地方官所撥人夫著落夫頭開
具的實姓名住址亦自一至百編號對照鞘

號打摺並將某號至某號派某兵役管押之
處開具清單一存州縣一交解員倘有疎失
照號查究

一凡餉鞘過境地方官派委防護官弁按站催
攢交替護送不許解官停留將餉鞘入境出
境各日期及並無事故之處出具印結具報
督撫督撫按日確查加結報部倘解官無故
逗遛營私地方官不實力催攢及徇隱不報
者該督撫查實題參督撫不行查出致餉銀

解交逾限者將督撫一併議處

凡護解餉鞘管解官不申請防護不經由大

路以致有失者所失餉鞘著落管解官全賠

若解官已請防護又係經由大路而餉鞘被

失者所失餉鞘地方文員分賠十分之五僉

差不慎之大員分賠十分之三

具詳請委之藩司批准委

解之督撫按數各半分賠管解官分賠十分之二如解官

係微末窮員不能賠補仍著落僉差之大員

分賠其失事地方之武員祇報察處分免其

分賠

四川省餉鞘過境山路崎嶇貳萬兩以上者

每萬兩加撥兵一名如至百萬兩加派兵數

不得過三百名以示限制

批迴

一 凡解部銀兩緞疋顏料文批徑投司務廳簽到掛號後一面付知大使廳一面將文批轉發承辦司分並填註發交時刻該司卽日照批出具印付二張並原批付庫該庫覈對收足卽於批付內均填照數收訖字樣蓋用庫印其付一分存庫一分發司該司憑付具文呈堂行知各該省其批由庫交三庫總檔房填寫批迴字樣呈堂鈐印會同大使給發解

員具領

一順天府委解旗租銀兩由府尹給督解委員批文一張赴部呈驗俟銀庫收訖後將所收數目於原批內註明鈐蓋戶部堂印並各州縣原詳統交該委員領回呈繳備案

一銀庫於錢糧收足後三日將解批鈐蓋庫印移付總檔房總檔房無論批數多少即呈堂鈐印轉傳該解員役赴領不得以銀庫付到批少留待彙發致滋需索

一三庫驗收錢糧物料之後將該管吏役有無需索之處面詢原解官役如無需索責令出具甘結粘連批後鈐印並發

一三庫總檔房驗發批迴凡在京各部院衙門無庸責取領狀其直省解部錢糧緞疋顏料俱令於起解之初隨批填具承領批迴印領於事畢後持領掣批

領式附後
某省某衙門差役管解某項銀兩所有批迴幾紙理合出具領批印領交該解官役持

赴三庫總檔房查照換給批迴所領是實

年 月 日

一凡應發批迴三庫總檔房於將發前一日移付該司轉傳管解員役依期赴領或別有事故不能赴領者該司將情由移明總檔房存案稽覈

一八旗批交並各項赴部零交銀兩承辦各司於文到二日內付庫卽聲明投文具呈日期銀庫於五日內驗收二日內付回該司處卽

將批迴呈堂鈐印給發並用印文知照

一刑部現審案內追出入官贓罰銀錢飭發各坊該坊詳報各本城察院由城移部赴庫交納毋庸再給司印實收至大宛二縣追交一切贓罰銀錢俱令詳報順天府咨呈轉解以昭慎重

領抵

一各項應行移解正雜銀兩如總督兼轄省分彼此有項可抵者准其一體停解報撥於報部文內聲明查核

一各省庫存未領俸工養廉銀兩於報銷後勒限一年飭領清楚軍需工程等項銀兩於本案准銷後統以承辦官奉文之日起勒限二年飭領清楚如逾限不領概行提歸原款報

部撥用

一陞遷事故離任官員如有未領俸廉及應找工程銀兩該上司查明除現有應繳應賠之項卽行按數劃抵其無應繳應賠而逾限不領者卽提歸原款報撥如本員名下雖現無應追之項而尙有承辦工程等項未經核銷者卽將該員應支銀款暫停給領俟事竣報銷後查明如有應追銀兩卽於應領銀內扣抵仍行知本員新任原籍其並無追賠款項及應賠銀兩照數扣抵外尙有應找銀兩者

統於另案銷結後勒限二年行知飭領至陞遷他省者由該員本任行文接任官加結請領事故回籍者呈明本籍地方官出具印領由後任官加結請領倘逾限不領卽行提歸原款報部充餉

法馬

一 出入錢糧法馬由部定式由工部鑄造

計法馬重

伍百兩者體積柒拾叁寸伍百貳拾玖分肆
 百壹拾壹釐柒百陸拾伍毫中徑伍寸玖分
 捌釐捌毫捌絲陸忽伍微陸纖面徑伍寸貳
 分捌釐肆毫貳絲玖忽叁微壹纖高貳寸捌
 分壹釐捌毫貳絲捌忽玖微柒纖重肆百兩
 者體積伍拾捌寸捌百貳拾叁分伍百貳拾
 玖釐肆百壹拾貳毫中徑伍寸伍分伍釐玖
 毫伍絲柒忽叁纖面徑肆寸玖分伍毫伍絲
 叁微貳纖高貳寸陸分壹釐陸毫貳絲陸忽
 捌微肆纖重叁百兩者體積肆拾肆寸壹百
 壹拾柒分陸百肆拾柒釐伍拾玖毫中徑伍
 寸伍釐壹毫貳絲肆微玖纖面徑肆寸肆分
 伍釐陸毫玖絲肆忽伍微伍纖高貳寸叁分
 柒釐柒毫叁忽柒微陸纖重貳百兩者體積

同治十三年校刊

五音集卷十二 庫藏

四

貳拾玖寸肆百壹拾壹分柒百陸拾肆釐柒
 百陸毫中徑肆寸肆分壹釐貳毫陸絲叁忽
 叁微柒纖面徑叁寸捌分玖釐叁毫伍絲叁
 纖高貳寸柒釐陸毫伍絲叁忽叁微伍纖重
 壹百兩者體積壹拾肆寸柒百伍分捌百捌
 拾貳釐叁百伍拾叁毫中徑叁寸伍分貳毫
 叁絲玖微捌纖面徑叁寸柒釐貳絲柒忽叁
 微肆纖高壹寸陸分肆釐捌毫壹絲肆忽伍
 微捌纖重伍拾兩者體積柒寸叁百伍拾貳
 分玖百肆拾壹釐壹百柒拾柒毫中徑貳寸
 柒分柒釐玖毫柒絲捌忽伍微貳纖面徑貳
 寸肆分伍釐貳毫柒絲伍忽壹微陸纖高壹
 寸叁分捌毫壹絲叁忽肆微貳纖重叁拾兩
 者體積肆寸肆百壹拾分柒百陸拾肆釐柒
 百陸毫中徑貳寸叁分肆釐肆毫貳絲陸忽
 壹微陸纖面徑貳寸陸釐捌毫柒絲叁忽捌
 纖高壹寸壹分叁毫叁絲貳忽叁微壹纖重
 貳拾兩者體積貳寸肆百肆拾壹分壹百柒

拾陸釐肆百柒拾壹毫中徑貳寸肆釐捌毫
 壹絲陸忽叁微貳纖面徑壹寸捌分柒毫貳
 絲貳微捌纖高玖分陸釐叁毫捌絲肆忽壹
 微伍纖重壹拾兩者體積壹寸肆百柒拾分
 伍百捌拾捌釐貳百叁拾伍毫中徑壹寸陸
 分貳釐伍毫陸絲貳忽捌微貳纖面徑壹寸
 肆分叁釐肆毫叁絲柒忽柒微捌纖高柒分
 陸釐伍毫壹絲伍纖重五兩者體積柒百叁
 拾伍分貳百玖拾肆釐壹百壹拾捌毫中徑
 壹寸貳分玖釐貳絲陸忽陸微肆纖高陸分柒
 分叁釐捌毫肆絲陸忽陸微肆纖高陸分柒
 毫壹絲捌忽貳微壹纖重肆兩者體積伍百
 捌拾捌分貳百叁拾伍釐貳百玖拾肆毫中
 徑壹寸壹分玖釐柒毫柒絲柒忽叁微壹纖
 面徑壹寸伍釐陸毫捌絲伍忽捌微陸纖高
 伍分陸釐叁毫陸絲伍忽柒微玖纖重叁兩
 者體積肆百肆拾壹分壹百柒拾陸釐肆百
 柒拾壹毫中徑壹寸捌釐捌毫貳絲肆忽玖

同治十三年校刊

三都刊列卷十一 庫藏

四

微壹纖面徑玖分陸釐貳絲壹忽玖微捌纖
高伍分壹釐貳毫壹絲壹忽柒微貳纖重貳
兩者體積貳百玖拾肆分壹百壹拾柒釐陸
百肆拾柒毫中徑玖分伍釐陸絲柒忽叁微
壹纖面徑捌分叁釐捌毫捌絲貳忽玖微叁
纖高肆分肆釐柒毫叁絲柒忽伍微陸纖重
壹兩者體積壹百肆拾柒分伍釐肆毫伍絲肆忽玖
貳拾肆毫中徑柒分伍釐肆毫伍絲肆忽玖
微捌纖面徑陸分陸釐伍毫柒絲柒忽玖微
貳纖高叁分伍釐伍毫捌忽貳微貳纖重玖
錢者體積壹百叁拾壹分叁百伍拾貳釐玖
百肆拾壹毫中徑柒分貳釐捌毫伍絲玖微
捌纖面徑陸分肆釐貳毫捌絲貳忽捌纖高
叁分肆釐貳毫捌絲貳忽捌微壹纖重捌錢
者體積壹百壹拾柒分陸百肆拾陸釐伍拾
玖毫中徑柒分肆絲陸忽貳微面徑陸分壹
釐捌毫伍忽肆微柒纖高叁分貳釐玖毫陸
絲貳忽玖微貳纖重柒錢者體積壹百貳分

玖百肆拾壹釐壹百柒拾陸毫中徑陸分陸
釐玖毫玖絲陸忽柒微捌纖面徑伍分玖釐
壹毫壹絲肆忽捌微高叁分壹釐伍毫貳絲
柒忽玖微重陸錢者體積捌拾捌分貳釐陸毫
拾伍釐貳百玖拾肆毫中徑陸分叁釐陸毫
肆絲壹忽玖微玖纖面徑伍分貳釐壹毫伍
絲叁忽玖微玖纖高貳分玖釐玖毫肆絲捌
忽捌微重五錢者體積柒拾叁分伍百貳拾
玖釐肆百壹拾貳毫中徑伍分玖釐捌毫捌
絲捌忽陸微伍纖面徑伍分貳釐捌毫肆絲
貳忽玖微叁纖高貳分捌釐壹毫捌絲貳忽
玖微重四錢者體積伍拾捌分捌百貳拾叁
釐伍百貳拾玖毫中徑伍分伍釐伍毫玖絲
伍忽柒纖面徑肆分玖釐伍絲伍忽叁纖高
貳分陸釐壹毫陸絲貳忽陸微捌纖重叁錢
者體積肆拾肆分壹百壹拾柒釐陸百肆拾
柒毫中徑伍分伍毫壹絲貳忽伍纖面徑肆
分肆釐伍毫陸絲玖忽肆微伍纖高貳分叁

同治十三年校刊

百部別列卷十二

庫藏

三

徑壹分捌釐柒絲貳忽叁纖高玖釐陸毫叁
絲捌忽肆微貳纖重壹分者體積壹分肆百
柒拾釐伍百捌拾捌毫中徑壹分陸釐貳毫
伍絲陸忽貳微捌纖面徑壹分肆釐叁毫肆
絲叁忽柒微捌纖高
柒釐陸毫伍絲貳纖

一 直省司道鹽政關差等處由部頒給正副法
馬各一會同工部及請領之員三面較準頒
發其法馬自壹分至玖分壹錢至玖分壹兩
至拾兩貳拾兩叁拾兩伍拾兩各鑄刻印記
該司道鹽政關差等於領到之日以副法馬
儲庫正法馬行用如正法馬用久磨銹卽以

副砒碼收放將磨銹之正砒碼解部覆較
鑄發給不得以正副砒碼同時請換若本無
不符虛捏請換者嚴加議處

一 直省起解京餉協餉該布政司將部頒副砒
碼面同解員較準固封鉛印隨餉齎帶餉到
之日該解員先將所帶砒碼連封呈驗拆較
俟兩處砒碼相符再行兌餉若砒碼互較不
符查出解員中途私換情弊嚴參治罪其愈
差不慎之上司官一併議處

一州縣應用砵碼以司存部砵較鑄正副各一
呈送督撫驗準發給該縣存儲副砵碼行用
正砵碼凡遇解司錢糧將副砵碼封固鈐印
隨錢糧齎帶到省呈司驗較再行開兌

一各營發餉砵碼由督撫提鎮布政使會較鑄
記飭發行用以杜輕平

一銀庫經收各省地丁元寶銀兩以舊存直隸
所解旗租元寶作為砵碼兌收其捐項關稅
鹽課並一切雜款交項用舊平兌收

